



Genova – A.Urruty – Litografia acquarellata – Parigi, inizio 1800

VEGNÎ, ANDEMMO A GIÂ A ÇITTÆ...

’N invito a-o quæ pe niatri da Compagna l’è difiçile rexi-ste, sorvia tutto s’o ne ven da ’na personn-a ch’a veu ben a Zena e ch’a veu dividde questa seu pascion: Maria Grazia Oneto, figgia de l’Emanuele Oneto stæto console e consoltò a vitta da nostra asociaçion (òua a-o sò pòsto l’è consoltò o figgio Gianbatista). Inte questo libbro a l’è recugeito ben 365 vedute de Zena, che fan parte de ’n importante coleçion privâ: ’n ocaxion, dunque, de poei vedde e, con l’acatâ o libbro, portase a caza quarcösa de preçioso e d’esclusivo. En stanpe, incixioin, fotografie fæte da artisti famoxi comme o Giòlfi, o Garibbo, o Carlo Barabin, e da atri meno famoxi ma no meno bravi, che ne móstran a çitæ da-o ponente a-o levante, inte ’na pasegiata inna-ginaia a brasetto co-o sciò Reginn-a, comme fiscimo a Catinetta.

Sci, perché ògni capitolo o gh’â ’n introduçion stòrica e pöi di brani tràti da-o *Lunaio do Sciò Reginn-a*, ch’en de l’Euttoçento ma pan scriti vei, perché i problemi da nòstra Zena (e i zeneixi asci...) en de longo i mæximi.

Prezenpio, inte l’introduçion do primmo capitolo intitolòu *Il Ponente* se parla brevemente do pasòu de Votri, Pra, Pêgi, Sestri e Cornigen, e pöi gh’è a *Gita su un vapore verso la Riviera di Ponente* tràto da-o *Lunario Genovese compilato dal Sig. Regina e Soci* do 1881, ch’o l’incomensa coscì: “*All’atr’ärba do mattin / in sciä punta do Mèu Vêgio / duì vapoi de Rùbattin / fan zà fümme, o pe di mëgio, / son zà pronti pe imbarcâ / i vegnûi pe-a gita in mâ. / ...*”

Segoe e vedute de quelli pòsti inte l’Euttoçento, e asci de incixioin co-i costummi de l’epoca.

A-o mæximo mòddo, de capitolo in capitolo se fa in sato inta Ponçeivia, s’intra in çitæ da-e pòrte da Lanterna (no ascordemose che a Grande Zena a no l’existeiva ancon...), a s’atraversa tutta in longo e in largo, s’amia o pòrto, se sciòrte inta valadda do Bezagno e se finisce a gita in sciâ pasegiata de Nèrvi.

S’è in pò stanchi, l’è vea, ... ma d’areze o libbro perché o péiza! En 570 pagine de papè patinòu, se consegna de